

# RŪAUMOKO - TE ATUA O NGĀ RŪ WHENUA

I te wā o te wehenga o Ranginui rāua ko Papatūānuku, ko Rūaumoko tā rāua pēpi. Kāore a ia i whānau mai, ka noho tonu a ia i te kōpū o tana whaea. E ai ki ētahi, i waiho a Rūaumoko i roto i tana whaea, ki te whakamahana me te whakaahuru i a ia i muri i tana wehenga mai i a Ranginui. Kei reira tonu ia e noho ana. He wā anō ka oreore, ka hurihuri i roto i a Papatūānuku. I āna nekenga pēnei, rū ana te whenua. Nā reira, i tapaina ia te atua o ngā rū whenua.

Rūaumoko, te Atua  
o ngā Rū Whenua



Engari, ehara te rū whenua i tāna mahi kotahi. Ko ia hoki te atua o te hurihanga o ngā kaupeka. Ko tāna he whakawehe i te mahana o te raumati mai i te makariri o te takurua.

I ētahi wā ka kume ia i ngā taura e whakamatua ana i te whenua, ā, ka kite tāua i te haka a Tāne-rore. Ki tā ētahi, ko ngā kumekume a Rūaumoko, ko ngā rū whenua hoki.

Ko Rūaumoko hoki te atua o te ahi puia, nā te mea i hoatu a Tama-kaka i te ahi puia ki a ia hei āwhina i a ai ki te whakamahana tonu i tana whaea.

TE PAPA

AWESOME FORCES  
ONLINE RESOURCE

